

Zeitschrift: Le nouveau conteur vaudois et romand
Band: 87 (1960)
Heft: 6

Artikel: La sorchire de Zermatt = (La sorcière de Zermatt) : légende
Autor: Défago, Adolphe
DOI: <https://doi.org/10.5169/seals-231842>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 13.01.2026

ETH-Bibliothek Zürich, E-Periodica, <https://www.e-periodica.ch>



La sorchire de Zermatt

(La sorcière de Zermatt)

Légende

B. Zurbriggen conte ke lé à Momatt, ein amon de Zermatt ke l'a vécu ein Vala la dèrare sorchire ke lé dzein de l'eindra l'en bourlo vouéveinta su la place du velâ dzo. C'ta sorchire vouèva dien on ieu tsalé acreucha ein on chi (rocher) de cein, l'a ia bin gran tein ! L'ava bin mereto sa peina la mâla pesta, tan l'ava fi de mô d'einteu li ! L'ire acouzâi de fire tsère (tomber) la feudra ke tuâve toué lou z'an de lé moudzé é dé modzené sü lou alpâ-dzo, mémamein dé berdgi ! Lé li, paré-te, ke fassa débordâlou nan lou dzeu de grou tein, é, preu sovein, dé tsalé l'iran einpourtô. On la visa roulâ de ci, de li ein marmonein de lé malédikchon, kan l'alâve pè cé reivé de tsemin ! C'ta sorchire l'ava na pèra de 20 an, na biauto ke l'ava zu à 17 an de n'étrandgi de sison à Zermatt. Toué lou berdgi du velâdzo l'iran amoureux de la mata ke sava lou s'ateri é ein profouétâ ! On biau dzeu, l'a disparu avoui le ple biau berdgi de l'eindra ! On ne lou za jami reiu ! Après tan de mâlheu, lé dzein se son bouetô d'acco po ein tza-vounâ. Se son bouetô na beinda de montagnâ, dé luron, po l'alâ dérapî é l'amenâ su la place du velâdzo, io l'avaian aprêsto on buchê de dzenavro é on grou monticulo de brantsé. Sétze kemein l'ire la sorchire l'a d'abo zu ito rédouète ein cindré mé pas cein ava hurlo teté sorté de malédikchon.

L'en eintèrô lé résté de le meudete, cein prare (prêtre), cein seutsé (cloches), ein on câro io n'a jami rein pouso, pâ la meindra ssheu, le meindro fetu !

D'y cé dzeu, le payi l'a vécu dien la pi (paix) !

Adolphe Défago.

Lé passo du Diabzo !

Légende d'après Obrist

Ein Vala, à pou prè toué lou veladzo l'en leu légendé ke lou ieu conton à la véza, devê teindu ke li foué, l'oura brâme uteu du tsalé. Cà du Diabzo de Tuminen ein amon de Meiden dien le hau-Vala é fo cœuri eusa. De teta c'ta valé servâdze on seul velâzo : Meiden Tanmené ein amon, se treuve on chi k'apalon le « Chi du Diâbzo ». Ein cé loa, vouéva na féna rein pouareusa avoui lou z'homo ! Du tein ke s'n'homa soignive la vegne bâ pè la plan'na, la féna alâve fire la ia de l'âro lô de la montagne avoui de galupian, é l'va sœin de catchi sa vèrdséta dien la fata de son feudâ !...

Na demeindse matin, l'encoura ke venia po dre la Messa à la Tsapéla, l'eincontre su son tsemin, on monstre asséto su na beuna. L'ava lou z'oi ke tsalenâvan kemein na brâse, de lé grifé à lé man, u pia kemein lein n'en lou motsé ; l'encoura, blu de pouare, l'a demandé cein ke venia tcher-tchi dien cé parâdzo abandonno.

— E voua eintra dien on tené ka perdu son chercho, ke répon le demon.

L'encourâ : — ke veu dre cein ?

Satan : — E bin voilà : veu s'a dien voutra pèrocha na féna ke ne pourté pami sa vèrdsé îta. D'y cé tein le m'apartin. Pis-que ne poua pâ l'einpourtâ na demeindse, ateindra à deman po l'einmenâ.

Arevo à la tsapéla, le prare fi venin la corpâbze, é l'a conto cein ke se passâve. La poua féna k'ava onco la Foi sé confessâ'ie, l'a fi sa dévochon é l'a ito pèr-